

Broj: UP-I-07-1-26-67/09
Sarajevo, 03.07.2009. godine

Federalno ministarstvo poljoprivrede, vodoprivrede i šumarstva, u skladu s odredbama člana 200. stav 1. Zakona o upravnom postupku ("Službene novine F BiH" broj 2/98 i 48/99), člana 20. stav 8. Zakona o šumama ("Službene novine F BiH" broj: 20/02, 29/03 i 37/04), po zahtjevu „Šuma plan“ d.o.o. Čelinac za izdavanje saglasnosti za registraciju za poslove izrade šumskogospodarske osnove za državne šume na teritoriji Federacije BiH, **i z d a j e**

RJEŠENJE

Daje se saglasnost Društvu s ograničenom odgovornošću za proizvodnju i usluge „Šuma plan“ d.o.o. Čelinac, da se kod nadležnog suda na teritoriji Federacije Bosne i Hercegovine može registrovati za poslove izrade šumskogospodarskih osnova za državne šume.

Obrazloženje

„Šuma plan“ d.o.o. Čelinac je aktom broj: 26-04/09 od 21.04.2009. godine podnio: „Zahtjev za izdavanje rješenja (licence) za izvođenje projektantskih radova u šumarstvu (izrada šumskogospodarskih osnova za državne šume)“.

Uz predmetni zahtjev je dostavljena dokumentacija na osnovu koje je utvrđeno da „Šuma plan“ d.o.o. Čelinac ispunjava potrebne uslove za registrovanje za poslove izrade šumskogospodarske osnove za državne šume na teritoriji Federacije Bosne i Hercegovine, što je propisano članom 20. stav 8. Zakona o šumama.

Naime, pomenutom zakonskom odredbom je precizirano da se za poslove izrade šumskogospodarske osnove za državne šume može registrovati pravno lice koje u stalnom radnom odnosu ima najmanje četiri diplomirana inženjera šumarstva i to po jednog za uzgoj i zaštitu šuma, uređivanje i otvaranje šuma, iskorišćavanje i ekonomiku šuma, sa praksom od najmanje pet godina na odgovarajućim poslovima.

„Šuma plan“ d.o.o. Čelinac ima, između ostalih, uposlena i četiri diplomirana inženjera šumarstva (**Duško Topić, Stevo Šajinović, Vitomir Kuzmanović i Josip Buh**) koji imaju više od po pet godina prakse na odgovarajućim poslovima, te ispunjava Zakonom propisane uslove za registraciju za poslove izrade šumskogospodarske osnove za državne šume.

U skladu sa navedenim, a obzirom da „Šuma plan“ d.o.o. Čelinac, ispunjava uslove propisane članom 20. stav 8. Zakona o šumama, **izdato je rješenje kao u dispozitivu.**

Pouka o pravnom lijeku

Ovo rješenje je konačno u upravnom postupku i protiv istog nije dopuštena žalba, ali se može pokrenuti upravni spor tužbom kod nadležnog kantonalnog suda u sjedištu prvostepenog organa, u roku od 30 dana od dana prijema ovog rješenja.

Tužba se predaje u dva primjerka direktno sudu ili šalje poštom preporučeno, taksirana sa 100,00 KM. Uz tužbu se prilaže osporeno rješenje u originalu ili prijemu.

Dostavljeno:

1. „Šuma plan“ d.o.o. Čelinac, ul. Viševdanska b.b., Čelinac;
2. FMPVŠ, Odjeljenje za pravne i opće poslove;
3. FMPVŠ, Sektor za šumarstvo;
4. Arhiva.

